

SPORAZUM O RAZUMIJEVANJU

Strane potpisnice Sporazuma o razumijevanju:

Ministarstvo pravde Republike Srpske

Centar za pružanje pravne pomoći Banja Luka - koga zastupa Snežana Marjanac, direktorica;

Kancelarija za pravnu pomoć Brčko Distrikta – koga zastupa gospodin Safet Pizović, direktor;

Kantonalni Zavod za pružanje pravne pomoći Tuzla – koga zastupa Mersija Jašarević, direktorica;

Kantonalni Zavod za pravnu pomoć Zenica – koga zastupa Azra Močević, direktorica;

Županijski Zavod za pružanje pravne pomoći Odžak – koga zastupa Melita Huseinović, direktorica;

Županijski Zavod za pravnu pomoć Široki Brijeg – koga zastupa Ivan Lasić, ravnatelj;

Udruženje Vaša prava BiH – koga zastupa gđin Emir Prčanović, direktor;

Centar Informativno-pravne pomoći Zvornik – koga zastupa Milena Savić, izvršna direktorica;

Centar za ljudska prava Mostar – koga zastupa Rebeka Kotlo, direktorica;

Centar za pravnu pomoć ženama Zenica – koga zastupa Meliha Sendić, koordinatorica projekta

Fondacija lokalne demokratije – koju zastupa Jasmina Mujezinović, direktorica;

PREAMBULA

Pozivajući se na:

§ Član 6. i druge odredbe Evropske konvencije o ljudskim pravima s pratećim Protokolima kojima se garantira pravo na besplatnu pravnu pomoć optuženicima u krivičnim stvarima, kao i prakse Evropskog suda za ljudska prava u slučaju Airey v. Ireland od 11.septembra 1979. godine o obaveznom pružanju pravne pomoći siromašnim građanima u građanskim stvarima;

& Preporuku (No. R (76)5 koja se odnose na pravnu pomoć u građanskim, komercijalnim i administrativnim pitanjima;

& Preporuku (No.R (78)8) koja se odnosi na pravnu pomoć i savjet;

§ Preporuku (No.R (81)1) koja se odnosi na mjere kojima se olakšava pristup pravdi;

§ Preporuku (No. R(93)1) koja se odnose na djelotvoran pristup zakonu i pravdi za siromašne;

§ Preporuku (No.R(2002)21) koja se odnosi na slobodu bavljenja profesijom pravnika;

§ Smjernice iz Plana akcije o sistemima pravne pomoći Vijeća Evrope iz 2003. godine;

§ Rezoluciju No.1 sa 23 Konferencije evropskih ministara pravde o "Pružanju pravde u 21 vijeku" iz juna 2000. godine kojom je prepoznata potreba za pružanjem djelotvornog pristupa pravdi i obrazovanja i informiranja građana o njihovim pravima;

§ Preporuke regionalnog seminara Vijeća Evrope o "Pravnoj pomoći u Jugoistočnoj Evropi – povećanje efikasnosti pravde" iz septembra 2002. godine u Strasbourgu koje se odnose na preporuke koje bi koristile u razvoju i jačanju sistema pravne pomoći u Bosni i Hercegovini;

§ Fundamentalne principe o Statusu nevladinih organizacija (Vijeće Evrope, 2002) koja naglašava potrebu ohrabrivanja aktivne uloge nevladinih organizacija ka učešću u vladinim i kvazi-vladinim mehanizmima dijaloga, konsultacija i razmjene mišljenja, u cilju identificiranja djelovanja i adekvatnih mjera u odnosu na potrebe društva;

§ Strategiju za reformu sektora pravde za period od 2008. godine do 2012. godine koja predviđa stvaranje funkcionalnog sistema besplatne pravne pomoći u krivičnim, građanskim i upravnim postupcima na svim nivoima Bosne i Hercegovine koji će osigurati uslove za ravnopravan pristup pravdi svim građanima Bosne i Hercegovine bez obzira na njihov ekonomski položaj;

&Strateške pravce djelovanja ka promociji i jačanju vladavine prava, jačanju nezavisnosti i efikasnog djelovanja pravosudnih i javnih institucija u svrhu pune izgradnje senzibilnih, odgovornih i kompetentnih institucija koje građanima garantuju sigurnost te stvaraju ambijent pogodan za društveni, ekonomski i politički razvoj;

& Izraženu potrebu i interes potpisnika ovog Sporazuma ka uspostavljanju međusobne saradnje i dijaloga u oblasti pružanja besplatne pravne pomoći s ciljem efikasne razmjene informacija, osiguranja transparentnosti i kvalitetnih usluga besplatne pravne pomoći;

Član 1.

Osnivanje Mreže za koordinaciju pružaoca besplatne pravne pomoći u BiH

Potpisom ovog Sporazuma, strane potpisnice osnivaju mrežu za koordinaciju i saradnju između pružaoca besplatne pravne pomoći u BiH i to pružaoca osnovanih od strane institucija vlasti i nevladinih organizacija.

Član 2.

Ciljevi osnivanja Mreže

Mreža se osniva u cilju:

- 1) uspostavljanja kontinuirane saradnje između pružaoca besplatne pravne pomoći;
- 2) razvoja i uspostavljanja mehanizama koordinacije u cilju efikasne saradnje, razmjene informacija i pružanja kvalitetnih usluga građanima;
- 3) provođenju zajedničkih i koordiniranih aktivnosti usmjerenih na poboljšanje pristupa pravdi siromašnim građanima na cijelom prostoru BiH kroz primjenu minimalnih i ujednačenih standarda u ostvarivanju prava na besplatnu pravnu pomoć;
- 4) podrške jačanju javne svijesti o ciljevima, načinu i standardima djelovanja pružaoca besplatne pravne pomoći koji djeluju u sistemu vlasti u procesu zaštite ljudskih prava građana BiH i pristupa pravdi;
- 5) jačanja i promoviranja transparentnosti i dijaloga između ciljanih interesnih subjekata u oblasti razvoja sistema besplatne pravne pomoći, kao i etičkih i profesionalnih standarda u institucijama sistema (pružaoca besplatne pravne pomoći ustanovljenih od strane organa vlasti, profesionalnih udruženja i nevladinih organizacija);

Član 3. **Aktivnosti**

U svrhu ostvarenja naznačenih ciljeva, Mreža će vršiti slijedeće aktivnosti:

- 1) Pratiti uspostavljanje i funkcionisanje sistema besplatne pravne pomoći,
- 2) Predlagati mjere za kvalitetno pružanje besplatne pravne pomoći
- 3) Zalagati se unutar institucija/organizacija za provedbu usvojenih stavova i mišljenja;
- 4) Aktivno djelovati u procesu jačanja saradnje u oblasti poštivanja, zaštite, primjene, promovisanja i razvoja standarda pružanja besplatne pravne pomoći;
- 5) Aktivno učestvovati u kreiranju i razvoju promotivnih i edukativnih publikacija u oblasti pružanja besplatne pravne pomoći, pružanju informacija i uređivanje web stranice;
- 6) Aktivno djelovati unutar institucija i organizacija predstavljenih u Mreži u poštivanju, zaštiti, primjeni, promovisanju i razvoju etičkih i profesionalnih standarda u skladu sa evropskim i međunarodnim standardima i na taj način doprinijeti jačanju svijesti profesionalaca i građana;
- 7) Razmijenjivati iskustva i informacije;
- 8) Donijeti poslovnik o radu Mreže;
- 9) Obavljati i druge aktivnosti radi ostvarivanja navedenih ciljeva.

Član 4. **Članovi Mreže**

Potpisnici ovog Sporazuma prihvataju i obavezuju se da će u okviru Mreže aktivno djelovati kao stalni članovi sa pravom glasa, putem svojih stalnih predstavnika.

U cilju osiguranja pune efektivnosti aktivnog djelovanja članica Mreže, potpisnik ovog Sporazuma može imenovati stalnog predstavnika, kao i zamjenika stalnog predstavnika sa pravom glasa u slučaju opravdanog odsustva stalnog predstavnika ili kada predstavnik člana Mreže ocijeni da bi učešće drugog stručnjaka određenog profila ispred institucije/organizacije koju predstavlja pružilo bolji doprinos pri analizi materije i definisanju mišljenja o određenom pitanju koje razmatra Mreže.

Mreža je otvorena za pristup novih članova.

Član 5.
Učesnici i posmatrači u radu Mreže

Potpisnici ovog Sporazuma su saglasni da, pored imenovanih članova, predstavnici drugih institucija/organizacija mogu učestvovati u radu Mreže u svojstvu učesnika bez prava glasa ili posmatrača, na način koji dogovori Mreža.

Član 6.
Predsjedavajući i zamjenici predsjedavajućeg Mreže

Stalni članovi Mreže, putem imenovanih stalnih predstavnika, biraju predsjedavajuću/eg i dva zamjenika predsjedavajuće/eg Mreže.

Za predsjedavajuću/eg i zamjenike predsjedavajuće/eg Mreže može biti izabran predstavnik Pružaoca besplatne pravne pomoći na period od 6 (šest) mjeseci vodeći računa o ravnopravnoj zastupljenosti članova Mreže.

Član 7.
Opći princip rada Mreže

Djelovanje Mreže bazirat će se na transparentnoj, kontinuiranoj i proaktivnoj međusobnoj saradnji članova.

Mreža može donositi odluke kada je prisutno najmanje 2/3 stalnih članova.

Mreža donosi odluke dvotrećinskom većinom prisutnih stalnih članova.

Član 8.

Mreža može imenovati svog predstavnika u svrhu prisustvovanja sastancima stalnih članova odbora ili drugih institucija/organizacija koje djeluju u oblasti besplatne pravne pomoći, po pitanjima koja razmatra Mreža.

Član 9.
Finansiranje

Potpisnici ovog Sporazuma, izražavajući punu opredjeljenost za efikasno djelovanje ovog tijela, saglasni su da će svaka strana unutar svoje institucije obezbijediti finansiranje vlastitih troškova u vezi sa učešćem u radu Mreže.

Član 10.
Organizacija rada i druga pitanja u vezi sa radom Mreže

Potpisnici ovog Sporazuma su saglasni da se druga pitanja u vezi sa organizacijom rada i djelovanja Mreže definišu Poslovníkom o radu Mreže.

Poslovník o radu će biti donesen u roku od dva mjeseca od dana konstituisanja Mreže.

Ovim, predstavnici uvaženih strana, svečano izjavljuju da prihvatanjem i potpisivanjem ovog Sporazuma, iskazuju svoju punu i bezrezervnu opredjeljenost i obavezu da će preduzeti i implementirati sve potrebne aktivnosti, svaka u okviru svojih kompetencija, a kako bi se u cjelosti ostvarili ciljevi i svrha ovog Sporazuma.

Dana 24. 01. 2012. godine u Sarajevu, ovlašteni predstavnici uvaženih strana potpisuju ovaj Sporazum, i to:

Ministarstvo pravde Republike Srpske

Centar za pružanje pravne pomoći Banja Luka - koga zastupa Snežana Marjanac, direktorica

Kancelarija za pravnu pomoć Brčko Distrikta – koga zastupa gospodin Safet Pizović, direktor

Kantonalni Zavod za pružanje pravne pomoći Tuzla – koga zastupa Mersija Jašarević, direktorica

Kantonalni Zavod za pravnu pomoć Zenica – koga zastupa Azra Močević, direktorica

Županijski Zavod za pružanje pravne pomoći Odžak – koga zastupa Melita Huseinović, direktorica

Županijski Zavod za pravnu pomoć Široki Brijeg – koga zastupa Ivan Lasić, ravnatelj

Udruženje Vaša prava BiH – koga zastupa gđin Emir Prčić, direktor

Centar Informativno-pravne pomoći Zvornik – koga zastupa Milena Savić, izvršna direktorica

Centar za ljudska prava Mostar – koga zastupa Rebeka Kotlo, direktorica

Centar za pravnu pomoć ženama Zenica – koga zastupa Meliha Sendić, koordinatorica projekta

Fondacija lokalne demokratije – koju zastupa Jasmina Mujezinović, direktorica
